

**Судакъ шеэри больгеси МБУТ «Къырымтатар тилинде окъуткъан  
3 номералы орта умумтасиль мектеби»**

Ана ве къартаналаргъа багъышлангъан тедбир

**«Анам,аначыгъым»**



Азырлады:

башлангъыч сыныфлар оджасы

Усеинова Зарема Рустемовна

Судакъ

2020с

Сыныф: 1-А

Макъсадлар:

- буюклерге урьмет ве сайгъы этюв тербиелемек;

-ана-бабаларнынъ сезюни тутмакъ.

**Алып барыджы(Зарема оджа):**

Мераба бизим урьметли ве севимли аналарымыз, къартаналарымыз!

Мераба , мухтерем мусафирлер!

Бугунъ сизлерге байрам концертини багъышлаймыз ве байрам къавесине давет этеджекмиз!

**Сизнинъ дикъкъатынызгъа йыр «Лаф этем» 1-а сыныф иджрасында**

Балалар залгъа кирелер (Йыр « Лаф этем»)

**Селим:** Хош кельдинъиз, къартаналар!

Хош кельдинъиз, аналар !

Хош кельдинъиз, мусафирлер!

Бу байрамгъа кельгенлер

**Айше А):**Бир кичкене балачыкътым,

Бир шей бильмез, анъламаздым.

Эль-аякъта екътур кучюм

Юрип олмаз, атламаздым.

**Эдем):** Сенсинъ меним, тувгъан анам,

Шу вакътымда къорчалагъан.

Баш уджумда саба- акъшам

Геджелери юкъламагъан.

**Эмир:** Анам, анам, джаным анам,

Сени джандан севип саям.

Лякин юректеки севгимни

Ич де санъа бильдирамам.

**Сусанна С:** Ана ичюн темиз къаве фильджанда

Софраларны яраштыра бахшышлар

Бир умютнен, бир ниетнен , бир джандан

Аналар ичюн янгъырайлар алгъышла

**Абджеббар ве Ибрагим:** Назик гонъюмизден,

Сизни тебриклеимиз!

Дестанлар язамыз да

Эллеримиз талмаз

Сиз ичюн ачылгъан,

Гуллер де солмаз!

**Зарема оджа:** Лякин аналарымызнынъ да аналары бар. Бу бизим урьметли къартаналарымыздыр.

**Мелек К-Эвелина:** Мен севем сенинъ янъгыравукъ сесинъни,

Сиз дюньяда эпсинден яхшысыз!

Сизинъ киби кимсе мени анъламаз

Сиз бизим къуванчымызсыз аначыгъым

**Алим Б:** Къартанам пек мераметли,

Пек муллайим бир къадын

Осип буюп къартанамдай

Олмакъ меним мурадым.

**Зарема оджа:** Ер юзюнде энъ татлы сез - ана сезю. Бу сез дюньяда эр бир халкъынынъ тилинде буюк сайгынен айтыла.

Сизинъ дикъкъатынызгъа «Севимли анам» деген йыры 1-а сыныф талебелернинъ иджрасында. Буюрынъыз!

( « **Севимли анам** » )

**Оджа:** Бизим балалар эркез дегиллер. Ишкир балаларымыз пек чокълар.

Мына бакъынъ, бу кызлар ве огъланлар аналарына насыл ярдым этелер.

Сизинъ дикъкъатынъызгъа конкурс «**Анама ярдым этем**»-

(Балалар эки группагъа болюнелер : огъланлар ве кызчыкълар

**1-джи вазифе:**Йымыртаны кашыкьнен конускъаджас алып бармакъ ве ерине къайтмакъ)-**ким биринджи,о аляджы!!!**

**2-джи вазифе(иштракъчыларгъа 1дакъ.бериле):** марама, оглюк кийип аш азырламагъа( кесильген хыяр.отъмек, колбас )софра донатмагъа( къызлар ве огъланлар)=1 къыз+1огълан.

**Оджа:**Машалла, аферин балачыкъларгъа,озь ишкирлигини косътердилер. Амма 1-а сыныф талелелер тек ярдым этмеге дегиль саймагъа да огрендилер.

Сизнинъ диккъбатынызгъа йыр «**Саймагъа мен огрендим**» .Динъленъиз!

**Алып барыджы(Зарема оджа):** Эвель- эзельден бизим къартбабаларымыз къоюнларны ве эчкилерни яйляда отлатып,акъшамгъа таба къайтып келе эдилер.Къартаналарымыз исе оларны сыджакъ ашнен ве татлы сёзнен къаршылар эдилер.

Бу себептен,адет узьре, бизим къызларымыз ве огъланларымыз кельген мусафирлермизге «                   » **оюнны** багъышлайджакълар.

**Оджа:** Къоранта - бала ичюн энъ буюк хазине. Къоранта бу ана баба, къартана къартбаба, агъа къардаш. Къоранта- меним эвим. Мени эр даим беклеген ер. Бала ичюн энъ муими-бахтлы аиледе яшамакътыр. Сизлер ичюн «Хастаханеде»**Амет ве Сафие**«Мен оларны де ашадым» **Эдие ве Мидат** шакъаларны саналаштыраджакълар.

## **Шакъа сценкалар**

### **1.ХАСТАХАНЕДЕ.**

**Эким- Амет:** Кель,балам,сенинъ къулакъларны тешкиремиз!Коремиз яхшы эшитесинъми,я да екъ!

**Бала-Сафие:** Мен азырым!

**Эким-Амет:** Текрарла:китап,рале...,мектеп.

**Бала-Сафие:** Не?Эшитмедим?

**Эким-Амет:** Къампет...

**Бала-Сафие:** Къаерде?...

### **2. «Мен оларыны де ашадым»**

**Ана-Эдие:**Балам анда алма?

**Бала-Мидат:**Мен оны ашадым.

**Ана-Эдие:**Я сен оны ювдынмы?

**Бала-Мидат:**Мен оны темизледим.

**Ана-Эдие:**Пек яхшы бала экенсин.

**Бала-Мидат:**Мен буны биллем.

**Ана-Эдие:**Я къабукъларыны къайда къойдын?

**Бала-Мидат:**Мен оларыны де ашадым.

**Оджа:**Бизим аналарымыз – бу бизим кунешлеримиз.Эр кунь ярыкъ ел косьтерелер,къыздыралар. Биз анамызны пек севемиз,авагъа ве куньге бакъмайып.Аналаргъа янъы бир йырны «**Бир заманда бар экен,бир заманда екъ экен**»

багъышлаймыз. Буюрынъыз! Дикъкъат!

**Оджа :** Машалла йырджыларгъа! Бунынънен бизим тедбиримиз сонъуна кельди.

Къартаналаргъа, аналаргъа , кельген мусафирлерге сагълыкъ , селяметлик, узакъ омюрлер тиллейик. Юзюнъиз эр даим кульсинъ, эвде эр вакъыт шеньлик толсун.

**Оджа:** Келинъиз , ана-бабаларымызны сайып – севейик, урьмет этейик, ич бир вакъыт сез айтып , оларнынъ джанларыны агъыртмайыкъ. Эр кунълерини къувандырып, байрам этейик.

Балалар аналарнынъ ве къартаналарнынъ эллерини опип къавелерни берелер,бахшышлар берелер

Къавеге буюрынъыз!(эписи)

## Йырлар

### Мен лаф этем

Муз.ве сез \_\_\_\_\_

1.Ана тилинъни бильсенъ,  
Эм де гузель лаф этсенъ,  
Эр кес айтар: «Машалла»!  
Не де гузель бу бала.

#### Багълама:

Мен анамнен лаф этем,  
Мен бабамнен лаф этем,  
Лаф эте, эте-осем,  
Йылдызларгъа мен этем.

2.Мен окъуйым эм язам,  
Эзберден шиир айтам.  
Достума мектюп язам,  
Ана тилинде язам.

#### Багълама:

Мен анамнен лаф этем,  
Мен бабамнен лаф этем,  
Къартанамнен лаф этем,  
Къартбабамнен лаф этем.

3.Кезинтиге мен чыкъсам,  
Эр шейнинъ адынъы тапсам,  
Осе меним юрегим,  
Яшасынъ меним тилим!

### Саймагъа мен огрендим

Муз.Сез С.Какуры

1.Саймагъа мен огрендим,  
Саймагъа севем.  
Ракъамларны сайгъанда,  
Мен пек тез осем.

#### Багълама:

Бир,эки,учь,дерт,  
Беш,алты,еди.  
Секиз,докъуз,онгъадже **2 кере**  
Саям мен энди

2.Сенде бир алма олса,  
Бир де шефтали.  
Оларны эсапласань,  
Оладжакъ эки.

**Багълама:**

3.Адым,адым басамакъ,  
Тепеге кетем.  
Саймагъа ,окъумагъа  
Мен энди билем

**Бир заманда бар экен**

Битам айткъан масаллар  
Динлен Осман,Асанлар  
Масалда чокъ икмет бар  
Яхшы динлень балалар-2 кере

Бир заманда бар экен,  
бир заманда екъ экен,  
Къаплы бакъалар учкъан,  
Тилькилер тавшан туткъан.-2 кере

Бир заманда бар экен,  
бир заманда екъ экен,  
аджайип дюнъя экен,  
тылсымлы дюнъя экен.

Аюв,сансар,сыгъынлар,  
Къой ве эчки,сыгъырлар.  
Хораз,тавукъ,чипчелер  
Салгъырда сув ичелер.- 2 кере

Даа бир масал айтайым,  
сонъра юкълап ятайым.  
Масал динълеп,юкъланъыз.  
Татлы тюшлер корюнъиз

## Севимли анам

*Муз. ве сез С.Какуры*

Саба уянам козьлерим ачам – 2 кере  
Къучакълап опем сени севгили анам – 2 кере

Джыйдым гульдесте догъгъан кунюне – 2 кере  
Къуван эр заман меним севгили анам – 2 кере

Узакъкъа кетсен сени сагъынам - 2 кере  
Елларгъа бакъып сени беклеп отурам – 2 кере

Сен меним ичюн эр кезден дюльбер – 2 кере  
Сен меним бахтым, анам севгилим – 2 кере